



SLUŽBENI GLASNIK OPĆINE KALESIJA

Godina: LI

Utorak, 02.02.2016.godine
KALESIJA

Broj: 1

OPĆINSKO VIJEĆE

1

Na osnovu člana 66. Zakona o građevinskom zemljištu F BiH ("Službene novine FBiH", broj: 25/03, 16/04, 67/05), člana 42. Odluke o građevinskom zemljištu ("Službeni glasnik općine Kalesija", broj: 1/04, 2/05 i 12/05) i člana 42. Statuta općine Kalesija - Prečišćeni tekst ("Službeni glasnik općine Kalesija", broj: 10/07, 7/08 10/11, 3/12 i 6/13), Općinsko vijeće Kalesija na sjednici održanoj dana 28.01.2016.godine, donosi:

O D L U K U o utvrđivanju prosječne konačne građevinske cijene m² korisne stambene površine na području općine Kalesija iz prethodne godine

Član 1.

Ovom Odlukom utvrđuje se prosječna konačna građevinska cijena m² korisne stambene površine iz prethodne godine na području općine Kalesija, a koja služi kao osnovica za izračunavanje naknade iz osnova prirodnih pogodnosti gradskog građevinskog zemljišta i uređenja gradskog građevinskog zemljišta.

Utvrđena cijena će biti korištena u 2016.godini.

Član 2.

Prosječna konačna građevinska cijena 1m² izgrađene korisne stambene površine u 2015.godini na području općine Kalesija iznosi 750,00 KM.

Član 3.

Ova Odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKO VIJEĆE
Broj: 01-05-2-365
Datum: 29.01.2016.godine

PREDSJEDAVAJUĆI
OPĆINSKOG VIJEĆA

Esad Čanić, dipl.ecc. s.r.

2

Na osnovu čl. 37, 38, 40, 45 i 49. Zakona o prostornom uređenju i građenju ("Sl.novine TK-a" br. 6/11, 4/13, 15/13 i 3/15) i čl. 42. Statuta općine Kalesija - Prečišćeni tekst ("Sl.glasnik općine Kalesija" br.10/07, 7/08, 10/11, 3/12, 6/13) Općinsko vijeće Kalesija na sjednici održanoj dana 28.01.2016 godine, donosi:

ODLUKU o izmjenama i dopunama Odluke o usvajanju i provođenju Regulacionog plana Tojšići, Kalesija

Član 1.

Ovom Odlukom utvrđuje se provođenje Izmjena i dopuna Regulacionog plana „Tojšići“, Kalesija („Sl.glasnik općine Kalesija“, broj: 1/2000, 5/2003, 7/2005 i 7/2008) (u daljem tekstu Plan).

Član 2.

Granice područja za koje se Plan mijenja su istovjetne granicama obuhvata Regulacionog plana Tojšići, Kalesija. Plan se mijenja samo na parcelama označenim po novom premjeru sa k.č. broj 488/1, k.č.broj 488/5, k.č. broj 488/6, k.č. broj 488/7 i k.č. broj 509/4, sve KO Tojšići.

Član 3.

Sastavni dio ove Odluke su grafički prilozi izmjena i dopuna Plana iz tačke 2. ove Odluke.

Član 4.

Planom je određena namjena objekata, prikazana na grafičkom prilogu „Model prostorne organizacije“. Izgradnja naselja i objekata može se vršiti samo na zemljištu koje je Planom, odnosno Odlukom općinskog Vijeća Kalesija, utvrđeno kao građevinsko zemljište.

Član 5.

Urbanističko - tehnički uslovi za izgradnju građevina su: Regulaciona linija, građevinska linija i parcelacija.

- Linija granice parcele, utvrđena ovim Planom, se poklapa sa linijom regulacije i čini granicu regulacionog pojasa
- Granice parcela, utvrđene ovim Planom, se ne mogu mijenjati
- Građevinske parcele u zoni obuhvata Regulacionog plana Tojšići, u odnosu na susjedne parcele iste ili druge namjene, utvrđene su linijom granice parcele
- Građevinske parcele u zoni obuhvata Regulacionog plana Tojšići, ukoliko se radi o istom vlasniku, a zavisno od potrebe potencijalnih investitora, se mogu spajati u urbanističke cjeline, na način kako je to predviđeno Planom, pri čemu se ne može remetiti planirani saobraćajni koncept i utvrđena distanca građevinskih linija u odnosu na saobraćajnice
- Građevinska parcela se može realizovati fazno, pod uslovom da svaka faza mora zadovoljiti kriterijume izgradnje date Planom
- Građevinske linije utvrđuju površinu građevinskog zemljišta, na kome je moguća izgradnja objekata
- Objekat se postavlja svojom uličnom fasadom na Planom utvrđenu građevinsku liniju, koja je najbliža javnoj saobraćajnici
- Građevinska linija podzemne etaže može preći građevinsku liniju objekta, ako ova izgradnja ne ugrožava osnovnu funkciju komunalne infrastrukture i ne zahtjeva izmještanje njihovih vodova, te ne ugrožava objekte na susjednim parcelama
- Kod izgradnje planirani gabariti objekta na cijelom obuvatu Regulacionog plana Tojšići se mogu promjeniti na zahtjev investitora, a u skladu sa urbanističko-tehničkim uslovima nadležne Službe.

Spratna visina i etaže objekata :

- Planirana spratnost ili maksimalna visina objekata, te odstojanje od građevinskih linija utvrđene su Planom i ne mogu se mijenjati
- Etaže objekata su: podrum (Pod.), suteren (S), prizemlje (P), visoko prizemlje (Vp), spratovi (,,1",,,2",...) i potkrovље (Po)
- Kod izgradnje novih objekata, završna etaža može biti izvedena u formi potkrovљa, ravnog ili kosog krova
- Spratnost objekta na kosom terenu odnosi se na dio vertikalnog gabarita objekta, lociranog na nižoj strani uredenog terena i računa se od kote najnižeg ruba uredenog terena uz građevinu
- Podrumom se smatra potpuno ukopani dio građevine, ili je ukopan više od 50% svog

volumena, čiji se prostor nalazi ispod poda prizemlja, odnosno suterena.

- Jedna ili više podrumskih etaže se mogu realizovati kod izgradnje planiranih građevina, pod uslovom da se osiguraju odgovarajuće tehničke mjere u cilju zaštite od podzemnih i površinskih voda, kao i stabilizacije terena
- Suteren je dio građevine čiji se prostor nalazi ispod poda prizemlja i ukopan je do 50% svoga volumena u konačno uređeni teren, odnosno da je najmanje jednom svojom fasadom izvan terena.
- Potkrovljje je dio građevine čiji se prostor nalazi iznad sprata i neposredno ispod kosog ili zaobljenog krova, pri čemu visina nadzida ne može biti viša od 1,20 m
- Tavan je prostor ispod krovišta sa maksimalnom nadzidom od 60 cm
- Konstrukcije vanjskog uređenja i privremenog korištenja, namijenjene unapređenju poslovnih djelatnosti (kiosci, zelenare, ljetne ili zimske bašte i sl.), su građevine privremenog karaktera. Pozicija i gabariti su utvrđeni programom lokacija, te moraju biti izgrađeni od laganih materijala, odnosno materijala koji će omogućiti montažno-demontažni karakter građevine

Odnos prema postojećim objektima:

- Postojeći objekti u obuvatu Regulacionog plana Tojšići mogu se sanirati, redizajnirati, rekonstruisati, nadograditi, te izvršiti zamjena građevinskog fonda, u obimu građevinskih linija i urbanističko-tehničkih uslova, u skladu sa postavkama Plana
- Kod zamjene građevinskog fonda, novi objekat mora se graditi na utvrđenoj građevinskoj liniji, koja je sastavni dio grafičkog dijela ovog Plana
- U sklopu postojećih individualnih stambenih objekata na izgrađenim građevinskim parcelama, moguće je odobriti promjenu namjene u dijelu prizemlja, za potrebe poslovnih sadržaja, a u iznimnim slučajevima može se odobriti i proširenje objekta ukoliko to dozvoljavaju urbanističko-tehnički uslovi i površina građevinske parcele
- Proširenje prizemlja se ne može odobriti ukoliko dograđeni dio objekta prilazi susjednoj parseli na manje od 3,0 m, a u izuzetnim slučajevima minimalno 1,0 m, s tim da tlocrtna površina krova ne prelazi na susjednu parselu, a uz pisano saglasnost susjeda na tu blizinu.
- Stambeni prostor se može pretvoriti u poslovni prostor, odnosno poslovni prostor u stambeni u sklopu postojećih objekata. Ovi prostori

mogu promijeniti namijenu za sadržaje koji svojom funkcijom ne ugrožavaju prirodnu sredinu ili izazivaju povećana opterećenja saobraćajnih i komunalnih uređaja, više nego što je to predviđeno Planom

- Na objektima koji su predviđeni za rušenje zbog zamjene građevinskog fonda, ne mogu se vršiti intervencije koje povećavaju materijalnu vrijednost objekta, dok je moguće odobriti intervencije u cilju redovnog održavanja objekta
- Legalizacija postojećih pomoćnih objekata i izgradnja novih se može odobriti ako za to postoje prostorne mogućnosti

Projektovanje i arhitektonsko oblikovanje objekata:

- Svi novoplanirani arhitektonski objekti u zoni obuhvata Izmjena i dopuna Regulacionog plana Tojšići moraju biti projektovani i izvedeni u skladu sa odredbama Izmjena i dopuna Plana i u skladu sa važećim propisima
- Arhitektonsko oblikovanje i materijalizacija kod rekonstrukcije, dogradnje ili nadogradnje, te izgradnje novoplaniranih objekata, prilagoditi postojećem ambijentalnom izrazu i urbanističko-arhitektonskom okruženju u kojem se objekat nalazi
- Odobrenje za građenje za novoplanirane objekte može se izdati na bazi odgovarajuće tehničke dokumentacije, koja obuhvata i vanjsko uređenje, sa prikazom kontakta sa susjednim parcelama. Projektna dokumentacija mora biti izrađena u skladu sa seizmičkim uslovima u okruženju
- Svaka parcela mora imati mogućnost priključenja na javnu komunalnu mrežu
- Obavezno je projektovanje brojila za sve vrste instalacija i njihovo ugrađivanje za potrebe svakog potrošača
- Dozvoljava se gradnja pomoćnih objekata u svrhu organizovanja ostave, garažiranja ili organizovanja manjih poslovnih djelatnosti. Pomoćni objekti se mogu smještati izvan granica osnovnih gabarita, pod uslovom da ne prelaze građevinsku liniju postojećeg objekta od strane ulice, odnosno ne prilaze granici regulacione linije građevinske parcele na manje od 3,0 m, osim ako to vlasnici parcela drugačije ne dogovore. Visina i spratnost pomoćnih objekata ne smije prelaziti spratnost jedne nadzemne etaže, odnosno $h = 3,5$ m. Namjena pomoćnih objekata ne smije ugrožavati osnovnu namjenu zone i objekata u okruženju

- Dubinu i način fundiranja planiranih objekata kolektivnog tipa odrediti na osnovu provedenih geomehaničkih ispitivanja mikrolokacije

Ostali uslovi:

- Javne površine, predviđene za zelenilo, parkirališta, pločnike i sl., ne mogu se zaposjediti drugim građevinama i sadržajima
- Parkiranje organizovati na pripadajućim parcelama, u sklopu novih i postojećih objekata, te na Planom utvrđenim parking prostorima
- Pješačka kretanja rješavati koridorski uz kolovoz saobraćajnica i pješačkim stazama, kroz uređenje slobodnih površina
- U zonama pješačkih kretanja ne dozvoljava se parkiranje, ali se omogućava kretanje interventnih vozila.
- Uređenje neizgrađenog prostora tretiranog obuhvata, za objekte javnog korištenja i kolektivnog stanovanja, uraditi na osnovu projekta vanjskih uređenja. Sva rješenja vanjskih uređenja treba da budu u funkciji zaštite životne sredine i stvaranja boljih uslova za rad i stanovanje.

Član 6.

Realizacija pojedinih cjelina u okviru Izmjena i dopuna Regulacionog plana Tojšići ne smije ugroziti realizaciju prostornih i infrastrukturnih rješenja predviđenih izvan granica iz člana 2. ove Odluke.

Član 7.

Izmjene Plana moguće je izvršiti pod slijedećim uslovima:

- Ako se javi investitor koji ima interes i može obezbjediti sredstva za realizaciju jedne ili više zona u cjelini, moguće je izvršiti Izmjene i dopune Plana, u skladu sa Zakonom i programom potencijalnog investitora, a prema urbanističko-tehničkim uslovima datim od strane nadležne službe.

Član 8.

Ova Odluka stupa na snagu danom objavljivanja u Službenom glasniku općine Kalesija.



3

Na osnovu člana 64. stav 9. alineja 3. Zakona o zdravstvenoj zaštiti ("Službene novine Federacije BiH", broj 46/10), člana 7. Zakona o ministarskim, vladinim i dugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13) i člana 42. Statuta općine Kalesija – Prečišćen tekst ("Službeni glasnik općine Kalesija", broj 10/07, 7/08, 10/11, 3/12 i 6/13), Općinsko vijeće Kalesija na sjednici održanoj 28.01.2016. godine, donosi

O D L U K U

o izmjenama i dopunama Odluke o uslovima, kriterijima i postupku imenovanja u Upravni odbor JZU Dom zdravlja Kalesija

Član 1.

U Odluci o uslovima, kriterijima i postupku imenovanja u Upravni odbor JZU Dom zdravlja Kalesija ("Službeni glasnik općine Kalesija", broj 4/12),

"u članu 4. stav 4. briše se, a dosadašnji stav 5. postaje stav 4."

Član 2.

U članu 6. stav 1. alineje 1, 2 i 5 mijenjaju se i glase:

- da imaju visoku stručnu spremu I ciklus visokog obrazovanja najmanje 180 ECTS kredita, ekonomskog, pravnog ili zdravstvenog usmjerenja,
- da imaju najmanje 1 (jednu) godinu radnog iskustva na poslovima visoke stručne spreme,
- da nisu članovi upravnog ili nadzornog odbora u nekom od reguliranih organa općine Kalesija, a ukoliko jeste član drugog upravnog ili nadzornog odbora, kandidat će dostaviti ovjerenu izjavu da će po konačnom imenovanju odstupiti od pozicije u roku od 7 (sedam) dana od dana imenovanja,

Član 3.

U članu 8. dodaje se novi stav 2. koji glasi:

"Kandidati zaposleni u organima državne službe koji uđu u uži izbor i budu pozvani na intervju, prilikom obavljanja intervjeta dužni su priložiti akt kojim je kandidatu data pismena saglasnost od strane rukovodioca organa državne službe za obavljanje dodatne djelatnosti".

Član 4.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-367
Datum, 29.01.2016.godine

PREDSJEDAVAJUĆI
OPĆINSKOG VIJEĆA
Čanić Esad, dipl.ecc. s.r.

4

Na osnovu člana 13. Zakona o principima lokalne samouprave u FBiH (Sl. novine FBiH“, broj 49/06 i 51/09) i člana 42. Statuta općine Kalesija – Prečišćeni tekst („Sl. glasnik općine Kalesija“, broj 10/07, 7/08, 10/11, 3/12 i 6/13), Općinsko vijeće Kalesija na sjednici održanoj dana 28.01.2016.godine, donosi

O D L U K U

o davanju saglasnosti na Odluku o izmjeni Pravila JU "Gradska biblioteka" Kalesija

I

Ovom Odlukom daje se saglasnost na Odluku o izmjeni Pravila JU "Gradska biblioteka" Kalesija.

II

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-368
Datum, 29.01.2016. godine

PREDSJEDAVAJUĆI
OPĆINSKOG VIJEĆA
Čanić Esad, dipl.ecc. s.r.

5

Na osnovu člana 27., 10. i 11. Zakona o ustanovama (SL.list RbiH broj 6/92, 8/93 i 13/94), člana 35. a u vezi sa članom 36. Zakona o bibliotečkoj djelatnosti (Sl.novine TK br. 6/2000) Zakona o izmjenama i dopunama Zakona o bibliotečkoj djelatnosti (Sl.novine TK-a br. 15/2011) i Zakona o klasifikaciji djelatnosti (Sl.glasnik BiH br. 76/06, 100/08, 32/10) i Odluke o klasifikaciji djelatnosti (Sl.glasnik BiH br. 47/10) Upravni odbor na sjednici održanoj dana 29.12.2015.godine donosi :

ODLUKU
o izmjenama Pravila JU Gradska biblioteka

Član 1.

Ovom odlukom vrši se usklađivanje Pravila JU Gradska Biblioteka sa Zakonom o klasifikaciji djelatnosti (SL.glasnik BiH br. 76/06, 100/08 i 32/10) i Odlukom o Klasifikaciji djelatnosti (SL.glasnik BiH br. 47/10), a koja se odnosi na djelatnost biblioteke

Član 2.

Član 12. Pravila JU Gradska biblioteka Kalesija mijenja se i glasi;

„Biblioteka obavlja bibliotečku djelatnost u javnom interesu

U okviru svoje djelatnosti biblioteka obavlja sljedeće:

58.11 Izdavanje knjiga

58.13 Izdavanje novina

58.14 Izdavanje časopisa i periodičnih publikacija

58.19 Ostala izdavačka djelatnost

18.11 Štampanje novina

18.12 Štampanje na drugom mjestu nepomenuto

18.14 Knjigovezački i završni radovvi

18.13 Priprema i izrada štamparske forme

18.20 Umnovažavanje(reprodukacija) snimljenih zapisa

90.03 Umjetničko stvralaštvo

90.01 Izvođačka umjetnost

90.04 Djelatnost objekata za kulturne potrebe

91.01 Djelatnost biblioteka i arhiva“

- Utvrđuje potrebe, prikuplja, stručno obrađuje, čuva i obnavlja bibliotečku građu
- Osigurava efikasno korištenje bibliotečke građe i pruža pomoć pri izboru i korištenju ove građe
- Vodi katalog i drugu dokumentaciju o bibliotečkoj građi
- Dostavlja biblioteci BiH podatke za centralni katalog inostranih publikacija
- Vodi evidenciju o bibliotečkoj građi, o korisnicima i korištenju bibliotečke građe i vrši statističku obradu evidentiranih podataka
- Izdaje kataloge, bibliografije i druge bibliotečke publikacije i redovno informiše korisnike o bibliotečkoj građi
- Saraduje sa informativnim centrima u formiranju baze podataka, organizovanom protoku informacija i unapređivanju informaciono-dokumentacionih poslova
- Učestvuje u međubibliotečkoj pozajmici bibliotečke građe
- Osigurava uslove za korištenje bibliotečke građe širenjem mreža odjeljenja i pokretnih biblioteka
- Samostalno i u saradnji sa ostalim bibliotekama obrazuje i čuva zavičajnu zbirku
- Samostalno i u saradnji sa kulturnim, obrazovnim i drugim ustanovama, preduzećima i drugim pravnim licima organizuje izložbe i druge oblike razvijanja interesa za bibliotečku građu i bibliotečku djelatnost
- Obavlja matične poslove bibliotečke djelatnosti
- Povezuje biblioteku u bibliotečko-informativni sistem
- Razvija i unapređuje stručni rad biblioteke
- Vodi evidenciju o bibliotekama
- Vodi centralni katalog bibliotečke građe
- Pruža stručnu pomoć i vrši stručni nadzor nad

radom biblioteke

- Posreduje u međubibliotečkoj pozajmici, uskladjuje nabavku bibliotečke građe
- Stara se o stručnom usavršavanju bibliotečkih radnika „,

Član 3.

Ova Odluka stupa na snagu danom davanja saglasnosti Općinskog vijeća.

JU GRADSKA BIBLIOTEKA
KALESIJA

Predsjednik Upravnog odbora

BROJ: 40 - 118 /15

Emina Alić s.r.

Datum: 29.12.2015.god.

6

Na osnovu člana 70. Zakona o građevinskom zemljištu ("Službene novine Federacije Bosne i Hercegovine", broj: 25/03, 16/04 i 67/05), člana 47. Odluke o građevinskom zemljištu ("Službeni glasnik općine Kalesija", broj: 1/04, 2/05 i 12/05), te člana 42. Statuta općine Kalesija – Prečišćeni tekst ("Službeni glasnik općine Kalesija", broj: 10/07, 7/08, 10/11, 3/12 i 6/13), Općinsko vijeće Kalesija na sjednici održanoj dana, 28.01.2016. godine, d o n o s i

PROGRAM UREĐENJA

gradskog građevinskog zemljišta po zonama na području općine Kalesija za period I-XII 2016.godine

Član 1.

U toku 2016. kalendarske godine vršit će se uređenje gradskog građevinskog zemljišta u: I , IIa, IIb, IIc, III, IV , V i VI zoni gradskog građevinskog zemljišta.

Član 2.

U zoni obuhvata Regulacionog plana "Južna zona" Kalesija i "Sjeverna zona" Kalesija, kao i obuhvatu Regulacionih planova "Tojšići" i "Memići", vršit će se sledeći poslovi:

- Izrada izmjena i dopuna regulacionih planova.
- Digitalizacija postojećih regulacionih planova
- Nastavak radova na izgradnji gradske sportske dvorane u Kalesiji
- Završetak radova na vanjskom uređenju javnih površina oko sportske dvorane u Kalesiji
- Rješavanje odvodnje površinskih voda sa javnih i drugih površina
- Izgradnja dijela glavnih kolektora fekalne kanalizacije
- Nasatavak izgradnje Nove ulice u Kalesiji
- Dogradnja i izgradnja fekalne kanalizacije Kalesija Centar i okolnih naselja
- Završetak izrade Prostornog plana općine Kalesija.

U ostalim zonama iz člana 1. Programa vršit će se sljedeći poslovi:

- Završetak izgradnja zgrade JP "Vodovod i kanalizacije Kalesija"
- Izgradnja i sanacije puteva po Planu za 2016. godinu
- Hidrogeološka istraživanja pitkih podzemnih voda
- Izgradnja vodovoda po Mjesnim zajednicama
- Sanacija privremene deponije Prijemet-Vis
- Zatvaranje tehnički neuređenih deponija
- Izgradnja sportskih terena
- Izgradnja kompletne infrastrukture za potrebe izgrađenih dijelova naselja za potrebe lica pogodjenih klizištem u Memićima i Zatesu
- Finansiranje troškova izrade urbanističko-građevinske dokumentacije za gradnju objekata za lica pogodena klizištem u Memićima i Zatesu

Radovi će se obavljati prema navedenom redoslijedu, a u skladu sa budžetom općine Kalesija.

Član 3.

Planirana izgradnja u Kalesiji, za područje koje se uređuje iznosi cca 19052 m², od čega cca 11802 m² stambenog i 7250 m² poslovnog prostora.

Član 4.

Ukupna investicija uređenja gradskog građevinskog zemljišta iznosi 1.550.111,00 KM (od toga sa posebnog računa-kapitalni izdaci posebnog računa 476.300,00 KM).

Član 5.

Na ime uređenja gradskog građevinskog zemljišta u I zoni gradskog građevinskog zemljišta, investitori planiranih objekata imaju uplatiti iznos od **25,00 KM** za svaki m² korisne površine izgrađenog stambenog i poslovnog prostora.

Naknada za uređenje gradskog građevinskog zemljišta obračunavat će se u skladu sa korisnom površinom utvrđenom u Glavnom projektu građevine, o čemu će se donositi posebno rješenje, nokon što se utvrdi da investitor ispunjava sve druge uslove za odobrenje za građenje, a uplaćivat će se na poseban račun općine Kalesija kod Tuzlanske banke broj: 1321400311635477 , vrsta prihoda 722433.

Član 6.

Visinu naknade za već ranije uređeno ili djelimično uređeno gradsko građevinsko zemljište, korisnik zemljišta obavezan je izmiriti nezavisno od stepena uređenja.

Za zone IIa, IIb, IIc, IId, III, IV,V i VI iz tačke 1. ovog Programa primjenjivati odredbe Odluke o

građevinskom zemljištu, a visina naknade utvrđuje se u procentima u odnosu na predračunsku vrijednost građevinskog objekta, primjenom cijene m² korisne stambene površine utvrđene Odlukom o utvrđivanju prosječne konačne građevinske cijene m² korisne stambene površine iz predhodne godine i to:

1. za obezbjeđenje prilaza parceli – 0,8%,
2. za obezbjeđenje uslova prisključenja snabdijevanja vodom – 0,4%,
3. za obezbjeđenje uslova za priključenje kanalizacije – 0,4%,
4. za obezbjeđenje uslova priključka na NN električnu mrežu – 0,4%.

Obavezi plaćanja naknade za uređenje građevinskog zemljišta na kojem se gradi objekat, ne podliježe član porodice koji je ili čiji su roditelji učestvovali u uređenju tog građevinskog zemljišta, ukoliko se objekat gradi na mjestu ranije postojećeg objekta za onaj dio korisne površine objekta koji je bio izgradjen na tom mjestu.

Član 7.

Program uređenja gradskog građevinskog zemljišta stupa na snagu danom objavlјivanja u "Službenom glasniku" općine Kalesija.

Bosna i Hercegovina
Federacija Bosne i Hercegovine
Tuzlanski kanton
OPĆINA KALESIJA
OPĆINSKO VIJEĆE
Broj: 01-05-558
Dana: 29.01.2016.godine

PRESJEDAVAJUĆI
OPĆINSKOG VIJEĆA
Esad Čanić, dipl.ecc. s.r.

7

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08 i 10/11), Općinsko vijeće Kalesija, na 32. redovnoj sjednici održanoj 28.01.2016.godine, donijelo je slijedeći

Z A K L J U Č A K

I

Usvaja se Program rada Sportskog saveza općine Kalesija, sa planom finansiranja i sufinsaniranja sporta u 2016. godini.

II

Zaključak će biti objavljen u „Službenom glasniku općine Kalesija“.

Bosna i Hercegovina
 Federacija Bosne i Hercegovine
 TUZLANSKI KANTON
 OPĆINA KALESIJA
 OPĆINSKO VIJEĆE
 Broj: 01-05-559
 Datum, 29.01.2016. godine

PREDSJEDAVAJUĆI
 OPĆINSKOG VIJEĆA
 Esad Čanić, dipl.ecc. s.r.

Z A K L J U Č A K

I

Usvaja se Izvještaj o rješavanju upravnih stvari u upravnom postupku općinskih službi za upravu općine Kalesija za 2015. godinu

II

Zaključak će biti objavljen u „Službenom glasniku općine Kalesija“.

Bosna i Hercegovina
 Federacija Bosne i Hercegovine
 TUZLANSKI KANTON
 OPĆINA KALESIJA
 OPĆINSKO VIJEĆE
 Broj: 01-05-560
 Datum, 29.01.2016. godine

PREDSJEDAVAJUĆI
 OPĆINSKOG VIJEĆA
 Esad Čanić, dipl.ecc. s.r.

8

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08 i 10/11), Općinsko vijeće Kalesija, na 32. redovnoj sjednici održanoj 28.01.2016.godine, donijelo je slijedeći

S a d r ž a j**OPĆINSKO VIJEĆE****Strana**

1. Odluka o utvrđivanju prosječne konačne građevinske cijene m ² korisne stambene površine na području općine Kalesija iz prethodne godine	1
2. Odluka o izmjenama i dopunama Odluke o usvajanju i provođenju Regulacionog plana Tojšići, Kalesija	1
3. Odluka o izmjenama i dopunama Odluke o uslovima, kriterijima i postupku imenovanja u Upravni odbor JZU Dom zdravlja Kalesija	5
4. Odluka o davanju saglasnosti na Odluku o izmjeni Pravila JU "Gradska biblioteka" Kalesija	5
5. Odluka o izmjenama Pravila JU Gradska Biblioteka	5
6. Program uredenja gradskog građevinskog zemljišta po zonama na području općine Kalesija za period I-XII 2016.godine	6
7. Zaključak	7
8. Zaključak	8